

新修江寧府志卷之十三

祠廟

國之大事在祀與戎故祠廟必志其載祀典者遵

國制也楚越古稱多淫祀而今江寧府縣皆無之蓋狄梁

公之在江南程明道之簿上元其遺教猶有存焉者矣

舊志所載古今並列今既謹遵

國制則凡今之載於祀典者當注明焉作祠廟志

社稷壇在府治雙橋門外諸官致祭

山川壇在府治三山門外諸官致祭

先農壇在府治通濟門外諸官致祭

新修江寧府志 卷之十三 祠廟

泰厲壇在府治神策門外諸官致祭

都城隍廟在府治欽天山之陽明洪武間建每年六月二日在城

諸官詣廟拈香

府城隍廟在府治前明萬歷戊子府尹姚思仁建

古城隍廟在府治漢西門大街

土地神祠在諸官署內每年二月二日諸官各詣本祠拈香

敕封平天大帝關聖廟一在府治欽天山明洪武間建諸官

致祭一在府前順治二年知府李正茂建本府致祭

文昌廟在府治北諸官致祭

龍神廟在府治鍾山書院旁諸官致祭

火神廟在府治東北

諸官致祭

敕封天后聖母碧霞靈應元君廟在府治水西門內

諸官致祭

劉猛將軍廟在府治南門外

每年正月十三日布政使司致祭

八蜡廟在府治南門外

每年冬至第三戌日布政使司致祭

帝王廟在府治欽天山之陽明洪武間建祀歷代帝王

曰太昊伏羲氏炎帝神農氏黃帝軒轅氏帝金天氏帝

高陽氏帝高辛氏帝陶唐氏帝有虞氏夏禹王商湯王

周武王漢高祖皇帝漢光武皇帝唐太宗皇帝宋太祖

皇帝元世祖皇帝從祀名臣曰風后力牧皐陶夔龍伯

夷伯益伊尹傳說周公旦召公奭太公望召穆公虎方

新修江寧府志

卷之十三

祀廟

二

叔張良蕭何曹參陳平周勃鄧禹馮異諸葛亮房元齡

杜如晦李靖郭子儀李晟曹彬潘美韓世忠岳飛張浚

木華黎博爾木博爾忽赤老温

國初廟廢別祀伏羲神農黃帝於其地爲三皇祠以其爲

醫師之祖也而俗仍呼曰帝王廟

倉頡廟在府治聚寶門外

吳大帝廟唐建金陵新志云在清涼寺之西今廢

晉元帝廟唐天祐二年置在卞將軍廟西宋嘉定二年

黃度作新廟于石頭兩廡列當時名臣三十六人附享

今廢

李王廟在府治東南十里南唐李主也俗呼曰李帝廟

先賢祠舊在府治青溪之東宋開慶元年制使馬光祖

建所祀先賢四十一人各有記贊曰至德遜王吳泰伯

越相國范少伯蠡漢嚴先生子陵光漢丞相忠武侯諸

葛孔明亮吳輔吳將軍婁文侯張子布昭吳將軍南郡

太守周公瑾瑜吳侍中尚書僕射是子羽儀晉太保睢

陵元公王休徵祥晉平西將軍孝侯周子隱處晉太傅

丞相始興文獻公王茂宏導晉太尉大司馬長沙桓公

陶士行侃晉侍中驃騎將軍忠貞公卞望之壺晉太傅

廬陵文靖公謝安石安晉車騎將軍獻武公謝幼度元

新修江寧府志 卷之十三 祠廟 三

晉右將軍會稽內史王逸少羲晉中領軍光祿大夫吳

處默隱宋徵君雷仲論次齊貞簡先生劉子珪瓛齊諸

王侍讀陶通明宏梁昭明太子蕭德施統唐太師刑部

尚書魯公顏清臣真唐翰林供奉李太白白唐山南西

道節度參謀孟東野郊南唐司徒李致堯建南唐內史

舍人潘祐祐宋樞密使濟陽武惠王曹國華彬宋尚書

忠定公張復之詠宋中丞恭惠公李幼幾及宋樞密使

孝肅公包希仁拯宋丞相忠宣公范堯夫純宋宗正寺

丞純公程伯淳顯宋監安上門鄭介夫俠宋少師龍圖

學士文靖公楊中立時宋參政莊簡公李泰發光宋太

師丞相魏國忠獻公張德遠浚宋秘閣忠襄公楊希稷

邦宋太師丞相雍國忠肅公虞彬文允宋太師徽國文

公朱元晦熹宋安撫殿撰宣公張敬夫栻宋太師正肅

公吳勝之柔宋太師參政文忠公真希元德皆生長金

陵與游宦往來於斯地者閩士陳宗上書言蘇文忠公

軾亦嘗往來題詠金陵山水宜入祀未果後祠毀明焦

竑言於大學士李廷機葉向高屬祠祭郎葛寅亮于普

德寺後山建祠設位補入蘇公

國初江南總督范承勳改建於府學之西

名宦祠在縣學內明正德九年建

新修江寧府志 卷之十三 祠廟 四

國朝康熙六年後增祀凡名宦四十三人曰京學教授國

子監祭酒許存仁南京湖廣道監察御史陳玉輝提督

南畿學政陳起龍資善大夫禮部尚書蔚綬應天府丞

贈吏部左侍郎張瑋以上皆明代江南通省學政許汝霖兩

江總督馬國柱江南通省學政簡上江寧織造部院曹

璽江南通省學政邵嘉總理兩江兵部尚書董訥總督

江南江西兵部左侍郎麻勒吉提督梁敏莊公名化鳳

資政大夫江安糧道王緒祖江南通省學政邵嗣堯江

南通省學政張榕端浙江巡撫原任江南通省學政張

泰交江南操江馬鳴佩江南右布政使馮如京江寧府

知府總漕部院施世綸資政大夫江南正主試熊一瀟
國子監祭酒江南學政余正健總督河道前江寧府知
府陳勤恪公名鵬年江蘇按察使司李馥江南左布政
使陳培禎浙閩總督節制江南李衛布政使司參議張
清恪公名伯行總督兩江部院郎廷佐江寧織造部院
曹寅江南通省學政李來泰安徽布政使司龔佳育江
南布政使司劉漢祚兩江總督部院于清端公名成龍
巡撫安徽等處部院佟國佐兩江總督部院范承勳兩
江總督部院傅臘塔兩江總督部院阿山江寧府知府
王光謨總督浙閩兩江等處部院趙廷臣江蘇巡撫徐
鄉賢祠在縣學內明正德九年建

新修江寧府志

卷之十三

祠廟

五

士林安徽布政使司山東巡撫包括江蘇巡撫陳大受

以上皆國朝府學及
上元江寧二學致祭

鄉賢祠在縣學內明正德九年建

國朝康熙六年後增祀凡鄉賢四十四人曰都御史鄒和

右都御史張琮孝廉賈明道侍讀學士贈禮部尚書顧
文莊公起元江西瑞州府知府湯有光浙江參議溫處
道何湛之寶慶府知府贈吏部侍郎顧國輔邵武府知
府鄭宣化僉都御史張恕苑馬寺少卿盧璧苑馬寺卿
陝西僉憲張祥南京工部郎中劉安節湖廣沅州知州
朱衣四川布政司左參議張後甲監察御史福建巡按

何淳之吏部侍郎贈禮部尚書朱之蕃辛丑進士提學
廣東姚履素鴻臚寺卿顧起鳳戶部郎顧起貞孝廉王
潢贈奉政大夫羅田令諡忠烈梁志仁光祿監事衢州
府檢校胥自修曲靖府知府焦潤生戶部給事中倪篤
之以字行左都督贈太子少傅張可大敕旌百歲賓飲鄉

賢鄧濂鎮國將軍鄒復之贈尚寶司丞崇寧令諡忠烈

劉旋四川督學王芝瑞戶部郎中贈太僕寺卿徐有聲

教諭韓范太學生吳可箕金吾張怡以上皆明代通政使司

羅德御明經羅必顯文學張正綱贈文林郎文學鄧良

材江西南安府知府胡順忠福建泉州府同知王承芳

新修江寧府志 卷之十三 祠廟 六

順治丁亥進士督學山西史允琦順治辛丑進士平山

縣知縣湯聘康熙己丑進士張秉亮康熙己卯舉人王

時中大學士蔣廷錫以上皆國朝府學及上元江寧二學致祭

表忠祠在府治朝天宮東明萬歷二年奉詔創立祀惠

帝死節之臣曰文學博士方孝孺禮部尚書陳廸兵部

尚書齊泰兵部尚書鐵鉉刑部尚書暴昭刑部尚書侯

泰都御史景清吏部侍郎毛泰戶部侍郎卓敬戶部侍

郎郭任戶部侍郎盧迥禮部侍郎黃觀禮部侍郎黃魁

兵部侍郎陳植刑部侍郎胡子昭副都御史練子寧副

都御史陳性善副都御史茅大芳太常寺卿黃子澄僉

都御史周濬僉都御史司中大理寺少卿胡潤太常寺少卿盧原質太常寺少卿廖昇太常寺丞彭與民太常寺丞劉瑞太常寺丞王高太常寺丞鄒瑾修撰王叔英修撰王良侍講婁漣衡府紀善周是修給事中龔太給事中陳繼之給事中韓永給事中黃鉞左給事戴德彝監察御史高翔監察御史鄭智監察御史曾鳳詔監察御史王彬監察御史王度監察御史甘霖監察御史謝昇監察御史葉希賢監察御史董庸監察御史王玘監察御史魏冕戶部主事巨敬兵部主事樊士信四川按察使李文敏浙江按察使王良河南參政鄭居貞江西

副使陳本立陝西僉事林嘉猷北平僉事湯宗蘇州知府姚喜徽州知府葉惠仲徽州知府陳彥回徽州知府黃希范宗人府經歷宋徵國子博士黃彥清谷府長史劉璟遼府長史程通燕府長史葛誠漳州教授陳忠賢魏國公徐輝祖駙馬梅殷駙馬耿璿駙馬胡觀都督廖鏞都督同知陳質都督僉事耿璿豹韜指揮俞通淵指揮張倫指揮王資指揮崇剛燕山衛千戶倪諒副總兵瞿能都指揮宋忠都指揮莊德都指揮孫泰都指揮楚智北平都指揮朱鑑指揮馬宣指揮彭聚指揮彭二指揮謝貴指揮余琪舉人劉政指揮宋瑄錦衣衛鎮撫余

本錦衣千戶周拱元松江府同知失名賓州知州蔡選
蕭縣知縣鄭恕沛縣知縣顏伯瑋沛縣主簿唐子清典
史黃謙睢陽教諭王省中書何申燕府伴讀余逢辰參
軍斷事高巍東平州吏目鄭華定海人梁良用齊黃講
士盧振鎮撫曹濬漳州生員曾廷瑞生員伍信原生員
陳應宗生員呂賢生員林珏生員鄒君默守金川門牛
景先燕山衛卒儲福臨海樵夫失名崇禎五年賜諸臣
諡府尹詹士龍重修

國朝初廟廢乾隆四十一年正月

高宗純皇帝念諸臣隕身湛族

新修江寧府志

卷之十三

祠廟

八

特命廷臣議爲專諡通諡之典於是江寧守臣因舊祠而廓大

之有碑紀其事

三學及後
裔致祭

昭忠祠在府治嘉慶八年奉文建設祀陣亡官吏人員
曰寧國太平縣知縣王仁錫贈懷遠將軍陝西寧夏守
備顧來鶴從九品張煥甘肅涼州鎮標右營遊擊哈國
瓏三學
致祭
吳伍相廟在上元縣長寧鄉

蔣帝廟在府治漢秣陵尉蔣子文逐盜死鍾山下死而
靈異吳大帝初立廟孫陵岡封爲中都侯晉加相國重
爲立廟劉宋初廢後修復封蔣王進號蔣帝南唐諡曰

莊武徐鉉撰廟碑宋賜額曰惠烈明洪武二十年建廟於欽天山之陽崇正加號威靈易今額鍾山廟廢今亦復修

諸葛武侯廟在鎮淮橋東北軍師巷

卞公祠在府治晉尚書令卞壺死難葬冶城南唐卽墓側建忠貞亭宋慶歷中葉清臣改曰忠孝紹興廟額曰忠烈中祀壺右列二子眈盱以侍中稽紹配享明洪武中建忠貞廟於欽天山陽又卽廟側建歷代忠臣祠祀南唐中書侍郎陳喬宋通判楊邦乂御前統領姚興王拱今欽天山廟廢冶城祠存

三學及後裔致祭

新修江寧府志

卷之十三

祠廟

九

梅將軍廟在府治梅嶺岡祀晉豫章內史梅賾

謝將軍廟在府治鳳皇臺東祀晉康樂公謝元宋乾道間建明正德間太常羅玘記

雙廟在府治江東門外上新河北岸祀唐張巡許遠

劉忠肅王廟祀南唐清淮節度使劉仁瞻舊在上元縣西明洪武二十年建於欽天山陽黃子澄撰碑今廢

曹武惠王廟祀宋樞密使曹彬舊在江寧社壇前明洪武二十年改建於欽天山陽賜額武惠

國初廟廢今重建

明道先生祠在上元縣治中紹興中主簿趙師秀卽廳

事西偏繪像祠先生嘉定乙亥主簿危和在簿廡東偏得鈐轄廡舊基改建明道祠未幾鞠爲賓寓之所景泰初知縣姜德政於縣治東南隅建祠宇國子祭酒吳節撰記翰林陳沂爲祠堂記

三學致祭

明道先生書院在府治鎮淮橋東宋淳熙初畱守劉琪始祀先生于學宮朱子爲之記紹熙間卽縣西偏祀之嘉定間改建新祠堂曰春風堂真德秀撰記未幾堂毀淳熙己酉郡守吳淵更建理宗爲書明道書院額寶祐中馬光祖據院中立祠堂景定四年姚希得重修至元遂廢明宏治己酉提學御史司馬堊於府學東偏祠祀

新修江寧府志

卷之十三

祠廟

十

之榜其門曰明道先生祠自爲記嘉靖初御史盧煥始卽今址爲書院祠祀焉有綽楔題曰明道書院萬歷壬子督學御史熊廷弼重修增記修撰焦竑亦有記

一拂清忠祠在府治清涼山麓祀宋監安上門鄭介公俠以上流民圖去國僅存一拂故人稱一拂先生父監江寧稅俠嘗隨父讀書清涼寺中嘉定間總領商碩爲祠以祀後圯明萬歷中葉向高修復之又建堂祠明靖難閩中死事諸臣葉福陳彥回陳繼之林英及諸生曾廷瑞伍性原陳應宗呂賢林珏鄒君默等而以張經周起元附焉向高爲之記

范忠宣公祠在舊轉運司宋嘉定八年真德秀建
真文忠公祠寶祐間馬光祖重建於籌思堂之西

馬莊敏公祠在府治城隍廟東祀宋制使馬光祖

南軒先生祠舊在府治天禧寺宋淳熙三年杜果建

二忠祠在府治聚寶門外舊爲三忠祠祀宋祕閣忠襄

公楊邦乂少保右丞相信國公文天祥明南京兵部尚

書李邦華配以王良王省鄒堃魏冕鄒樸曾鳳韶顏瓌

周是修張彥方禮部侍郎孔貞運爲序今改名二忠祠

惟祀楊文二公

三學及後
裔致祭

旌忠廟在府治鐵索寺東南祀宋統制姚興紹興中興

新修江寧府志

卷之十三

祠廟

十一

與金人戰死樞密葉義問立祠賜額

忠節廟在府治城東三里祀宋忠臣王琪張浚督軍江

淮琪戰歿贈閬州觀察使立廟寨前賜額忠節

忠烈廟在府治竹街祀宋靜江軍節度使牛富富霍邱

人以統制守樊城元兵陷城赴火死詔贈官諡忠烈

衛國忠肅公廟舊在府治城南土門岡祀元江南行臺

御史大夫福壽明洪武間改建於欽天山陽今廢

明功臣廟洪武實錄云洪武二年六月丙寅功臣廟成

命論次諸功臣之功以徐達爲首次常遇春又次李文

忠鄧愈湯和沐英胡大海馮國用趙德勝耿再成華高

丁德興俞通海張德勝吳良吳楨曹良臣康茂才吳復
茅成孫興祖凡二十有一人命死者塑像祀之仍虛生
者之位按此廟

國朝毀廢土人相傳云今綠營演鎗地乃其遺址

高宗純皇帝南巡賜徐達額日元勳偉略賜常遇春日勇動風
雲遂補立木主附祀於曹武惠王之廟其實曹王與功
臣本兩廟也世或以功臣廟爲曹王廟者非是

燕山侯祠在府治舊吳王府鉞巷北祀明北平都督燕
山忠愍侯孫興祖配以涼州都督同知孫繼達及前軍
都督僉事孫恭北平都指揮使廣威勇愍侯

新修江寧府志

卷之十三

祠廟

十三

國朝追諡烈愍孫泰裔孫星衍有祀

敕諡烈愍祠在府治冶城山東麓祀明北平都指揮使追
封廣威侯

敕諡烈愍孫泰裔孫馮翼有記

方正學先生祠在府治聚寶山南木末亭東相傳門人
王稔輩拾遺骸葬此萬歷己丑始於其地建祠崇正甲
申祠毀

國朝順治十三年洪若臯等重建嘉慶二年巡道方昂修

三學
致祭

景公祠在方公祠左祀明御史大夫景清亦萬歷中建

明季祠毀順治庚子解幾貞等重建三學致祭

周公祠在縣學內祀明衡府紀善周是修明時立祠修

撰焦竑為記

黃公祠在府治利涉橋左祀明禮部侍郎黃觀夫人翁

氏及二女配焉萬歷中重修禮部侍郎趙用賢有碑葉

向高亦有記三學致祭附葉向高記畧忠烈祠者祀建

舊志黃公募兵江上建文君遜國自沈羅刹磯夫人詔

配象奴不辱與二女俱沈淮清橋下青溪之居民憐而

祠焉或者曰淮清橋非夫人死所也夫人之死乃在賽

公橋今葬骼其處祠宜于賽公不宜青溪也余曰公夫

人神無不在即兩祠何不可者且賽公僻久則沒矣青

溪通衢過者式焉是可以風也或又曰青溪故有小姑

祠乃蔣子文之妹亦烈女也諺為翁夫人耳余曰趙宗

伯記中稱居民時時見冠裳者攜女郎二三入立溪畔

新修江寧府志

卷之十三

祠廟

十三

故就其地構祠僅三楹以時禁未解置土穀神蔽焉又
云顧瞻遺像歛歔泣下則公夫人之有祠有像所從來
矣非自小姑諺也豈小姑故有祠今失其處耶公夫人
祠得宗伯而顯又後數年而少宰晉江李公稍加飭焉
然堂迫於門門迫於術淺隘譁登降無所余時為禮
官念欲改作而力詘未遑頃自畱銓攝曹事屬署中有
所摘發得數十緡余與議曹汪君輩謀因以為資太常
就李丁公從史甚力復有捐助會太學生汪宗孝者以
百三十緡買祠傍民地一區輸入祠基址益拓于是鳩
工慮而面之既寢既堂無不具飭闢其旁為路樹櫺焉
移水亭於左無使蔽祠贅石為岸以禦河周以欄楯顏
其前曰一門忠烈廟貌翼如視昔改觀矣已復撤舊宅
為精廬使僧奉香火

黃侍中祠在府治馴象門外賽虹橋東相傳翁夫人與

二女投水而死家人亦從之即此地焦竑有碑記

黃公祠原在府治貢院左今在府治三山門外祀明應

天府尹黃承元

三學致祭

王公祠在府治聚寶門外祀明應天府尹王爌

三學致祭

陽明先生祠在府治西華門大街祀明新建伯文成公

王守仁明修撰焦竑

國朝禮部侍郎方苞并有記

三學致祭

海公祠在府治聚寶門外祀明都御史忠毅公海瑞

三學

致祭

廉直何公祠在府治富民坊西祀明工部主事何遵

耿天臺先生祠在府治清涼山麓祀明督學御史耿定

向

新修江寧府志

卷之十三

祠廟

十四

丁清惠公祠在府治淮清橋西南祀明南京兵部尚書

丁賓

倪公祠在府治朝天宮左祀明南京兵部車駕司郎中

倪漧漧字雨田上虞人轄船政定運申編審黃快船丁

永不許運戶妄扳丁戶載在船政新書衛所感之為立

祠

大清順治乙未衛弁欲變成法督府馬公國柱允紳士請

下道府詳勘會林公天擎王公燧趙公廷臣查照船政

新書遵萬歷會典行核實以報馬公具題得

俞旨百姓感之奉四公生位於祠中

附馬國柱疏云題為運丁舊冊堪稽僉勾積弊宜剔

仰祈 聖明俯賜採擇事臣聞凡事更張卽起借
端之弊前人有例何難按籍而求如明朝用黃快船以
審小甲糧船運戶係食糧祖軍人實分途先是兩丁皆
以正身應役備受監局廠衛之編害蕩產傾家賣妻鬻
子甚至逼勒投河二百餘年有寬無告嗣據南北兵部
堂屬詳議疊疏奏請定爲免役編銀之法快丁每歲納
銀一萬五千兩黃丁每歲納銀二千三百兩徵解南兵
部以爲繕船募役之資此萬歷十四十六等年兵部題
准刻有船政新書可據兩丁遵此而行非一日矣至于
運軍承祖戶運差凡有事故止於本差軍餘內撥補不
得將黃快船編丁掣出領運此萬歷二十一年兵部題
准至崇正四年南兵部尚書傅振商與漕運總督李待
問因明職掌又委司官陳鍾盛將萬歷八年及四十六
年老冊與運軍祖冊運餘底冊逐月支糧冊兜底清查
審定運軍一萬八千六百六十名有現運旗甲有運餘
有清查出名子孫人空閑備補其間某衛某幫某戶某
祖宗姓名子孫人刻有運冊新考可據運軍遵此而
行亦非一日矣乃值我朝創造紛然舊弊叢生姦甲
既思竄戶而息肩貪弁反借勾查而居奇臣前閱總督

新修江寧府志

卷之十三

祠廟

五

皇上念

漕臣沈題疏及部臣覆議慎重精詳深恐毀實運軍竄
戶逃差致悞國家漕務雖然臣謂此輩有敢竄之心
無能竄之法何也兩書在案運丁自運丁自丁固截然不
容混也臣思我念爲民事事除害一切省直錢糧盡照萬
以絕貪官汚吏幾額外濫加之弊則船政運冊亦萬歷年
間臺省兵部幾經參駁而後成書使清查則此清查則
載冊祖軍誰敢指鹿爲馬僉運照此僉運則納銀船丁
自難以羊代牛斬斷無數葛藤省盡許多騙詐茲據分
守江寧道副使林天擎呈送兩書到臣除另咨送戶部
查驗外臣謹疏奏聞伏乞

皇上敕

旨施行仍將原書發臣臣捐俸重刊
部詳議請 旨施行仍將原書發臣臣捐俸重刊
頒布各該衙門使軍丁世守成規永戴 聖
也緣係運丁舊冊堪稽僉勾積弊宜別仰祈
明俯賜採擇事理未敢擅便爲此具本謹題請
旨順治九年八月初八日題十月初五日部覆奉
聖旨是

羣公惠澤祠在府治善世橋明隆慶元年 人趙善繼

等建祀明巡撫都御史方廉巡按御史黃 宋燾戶科
給事中郭 巡江御史艾 府尹呂光詢通判陶守訓
上元知縣房玉韞縣丞程民字江寧縣丞李懋苑馬寺
卿盧璧爲記

汪公祠在府治梅岡下祀明應天府尹汪宗伊

鄭公祠與汪公祠並祀明兵部武選司郎中鄭一麟

張莊節公祠在府治雨花臺祀明太子少保左都督張

可大

汪文毅公祠在府治古城隍廟北祀明翰林院檢討汪

偉繼室同死甲申之難我

新修江寧府志 卷之十三 祠廟

六

世祖章皇帝順治八年詔恤崇正死事諸臣

賜諡日文毅

命建祠江南賜田七十畝春秋祀之

清端襄勤兩于公祠在府治聚寶門外始末詳下碑記

中附重修清端襄勤兩于公祠記康熙三十四年江寧

府居民建祠於聚寶山之麓肖像祀故兩江總督于

清端公諱成龍山西永寧人起家廣西羅城令累遷

至福建布政使舉清官第一遂膺節鉞晉督兩江薨于

位贈太子太保江寧旣以感慕遺德立祠其後

聖祖仁皇帝 高宗純皇帝 巡幸江寧並有 御書匾額懸於祠內以褒舊勳焉先是公巡撫直隸時有屬吏
與公同姓名者漢軍鑲紅旗人也公雅知其廉且才可
大任及移節吳中卽專疏薦守江寧自郡守不十年歷
直隸巡撫河道總督是爲于襄勤公襄勤之薨也郡人
追思其德一如追思清端者且以清操偉績後先相望

而顯用實由清端薦禮宜從祀遂設襄勤木主於清端祠一堂配享百有餘年於茲矣余承乏守郡以時修謁祠宇躬親俎豆廼見清端像前列襄勤主而清端之主已不復存亟為釐正而后行三獻禮因思清端像存而主缺襄勤主存而像未設其姓名又同混合為一勢所必至也今造清端主以依像補其墜失則可若因主而望襄勤像失之誣罔則不可况清端公有炳煥萬古斯昭固不虞據襄勤之主以疑像安能人之不以從祀無徵而議撤襄勤之主乎計惟別室以祀庶幾襄勤之耐於公祠者不至有時而廢絕此守土者之責也爰捐俸鳩工修葺圯壞重造清端公主於像前復築旁舍移奉襄勤木主於中訖事書茲石勒置祠壁俾修祀典者有所考且識余景仰兩公之位勳績之不啻郡人之愛戴不能忘也至兩公之世系官位勳績之詳具在國史茲不著嘉慶十四年歲次己巳秋九月授朝議大夫江寧府知府新安呂燕昭撰

陳公祠在府治聚寶門外祀

國朝總督河道前江寧府知府勤恪公陳鵬年三學致祭

新修江寧府志

卷之十三

祠廟

七

節孝祠上元在城北江寧在三山門外三學及後裔致祭

社稷壇在句容縣治東南二里

邑厲壇在句容縣治東北

鄉厲壇一十二所在句容各鄉

城隍廟在句容縣治南

關帝廟在句容縣治

名宦祠在句容縣東北

鄉賢祠在句容縣治西南

舊志泰定四年建忠臣劉鄴孝子張常洧二祠於講堂之

西胡炳文有記

夏禹王廟一在句容秋于邨一在赤山湖

盧大王府在句容縣西北祀南唐盧絳

李衛公廟在縣治東南祀唐李靖

顏魯公廟在句容縣東顏家邨

社稷壇在溧水縣西門外

山川壇在溧水縣南門外

邑厲壇在溧水縣大東門外

鄉厲壇每鄉各一

城隍廟在溧水縣治通濟街

關帝廟

名宦祠

新修江寧府志

卷之十三

祠廟

六

鄉賢祠

昭忠祠在溧水縣治嘉慶八年建設祀庠生劉虔

左伯桃羊角哀廟在溧水縣南七十五里

禮部侍郎劉公祠在溧水縣北三十五里

表忠祠在溧水縣北門外望京街明嘉靖四年建祀兵

部尚書齊泰

社稷壇在江浦縣治西北

山川壇在江浦縣治西北三里

邑厲壇在江浦縣治北二里

鄉厲壇二十九所在江浦各鄉

城隍廟在縣治西南

名宦祠在江浦儒學櫺星門右

鄉賢祠在江浦儒學門內東隅

定山祠在江浦縣治南大街明嘉靖十三年建祀南
封郎中莊景

社稷壇在六合縣治西門外

山川壇在六合縣治南門外

邑厲壇在六合縣治北

城隍廟在六合縣治西高岡上

關帝廟在六合縣治東門外滁冶二水合流處

新修江寧府志

卷之十三

祠廟

七

名宦祠在六合縣治儒學內明正德八年建萬歷間以
韓世忠岳飛歐陽得基唐詔何宏茅宰入祀

國朝崇祀者八人曰前兩江總督于成龍前兩江總督傅
臘塔前提督江蘇學政許汝霖前提督江蘇學政邵嗣
堯前提督江蘇學政張榕端前提督江蘇學政張元臣
前提督江蘇學政張泰交前提督江蘇學政金止健
鄉賢祠在六合儒學啓聖祠西

國朝崇祀者二人曰馬純仁李雲鵠

忠節祠在六合祀明太常寺少卿諡忠節黃宏

社稷壇在高淳縣治北

山川壇在高淳縣治東南

邑厲壇在高淳縣治北

鄉厲壇在高淳縣治

城隍廟在高淳縣察院西

關帝廟在高淳縣治北門內

劉猛將軍廟在高淳縣西門外

名宦祠

鄉賢祠在高淳縣儒學戟門內祀鄉賢十二人曰魏良臣吳柔勝吳淵吳潛韓叔陽魏鏗陳九齡韓仲雍徐天衢芮城孫奏張自超

新修江寧府志

卷之十三

祠廟

三

昭忠祠在高淳縣治嘉慶八年建設祀大同佐衛道徐一范